

Методічні інструкції к формуляру на списованя жытелїв тіпу А уровень 2

Місце сучасного бываня

Місцём сучасного бываня є:

у **новонародженой дітины**, місце сучасного бываня матери;

у **дітины в чередуючій ся старостливости**, місце, де проводить переважну часть свого часу. Кедь дітина проводить у обидвох родічів еднакый час, місце сучасного бываня родіча, у котрого было в часі списованя (1. януар 2021);

у **школяря основной або середнёй школы**, місце бываня родини, без огляду на то, як часто ся вертать до місця бываня родини;

у **штудента високой школы уквартелёваного мімо дому**, інтернат, студентський дім, пронаятый біт або інше місце;

у **штудента високой школы в заграничу**, відповідный штат;

у **заместной особы, котра є почас работы уквартелёвана мімо дому** і регуларно ся вертать домів, місце бываня родини;

у **заместной особы в заграничу**, котра ся вертать до місця бываня родини, мінімално відповідный штат.

у **члена озброєных сил, котрый жыє в касарнях або у воєньскім таборі**, місце бываня родини або інше місце, де проводить переважну часть часу свого денного оддыху;

у **жытеля в інституціоналнім обекті**, (напр. дім соціалных служеб, сеніорський дім, дім на півпути...) місце відповідной інституції;

у **бездомной особы**, місце списованя.

Суписне чісло

Суписне чісло є унікатне чісло дому в кождім селі/місті (означене чорнов фарбов).

Орьєнтачне чісло

Орьєнтачне чісло є унікатне чісло в рамках одной уліці в селах/містах з улічнов сістемов (означене червенев фарбов).

Чісло біту

Чісло біту є чіселна інформація уведжена на листі властництва бітових і родинных домів, поліфункчных, виробных і інших будов. Чісло біту ся дізнаєте на основі адресы і мена властника біту на сторінці zbgis.skgeodesy.sk.

Місце бываня в заграничу і рік приходу до країны од року 1980

Неперерывне перебуваня значіть прожываня жытеля мімо теріторії Словеньской републікы неперерывно веце як 12 місяців. **Перебуваня в Чеській републіці перед 1. януаром 1993 ся не поважує за прожываня в заграничу.**

Одношіня меджі членами в обыстю

Односіны меджі членами обыстя выражають родинне або інше як родинне одношіня к особі або особам жыючім з Вами в єднім біті. Вызначте, з кым сьте жыли к 1. януару 2021 в місці Вашого сучасного перебуваня, респ. сталого бываня, кедь ся не згодує із сучасным (напр. манжел, дівка, свекра, дідо). Выповнюють ся властны і невластны членове родины, кедь з нима жыєте в єднім обыстю (мати, нянько, сын, дівка). Кедь сьте жыли з дітми і/або внучатами, уведьте їх кількость.

Родинный став

Родинный став значіть юридичне одношіня платне в Словацькій републіці, у звязи з манжелством.

Кількость живонароджених дітей

До кількості живонароджених дітей зарахуйте каждого дітваку народженого перед 1. януаром 2021. Інформація ся зберать од жены і од мужа. Бездітна жена або бездітний муж уведе „0“.

Найвысша досягнута освіта

Уведьте найвысший ступінь освіти, котрый сьте к 1. януару 2021 успішно закончили здобытём одповідного документу о абсолвованю. На вопрос одповідайте, кедь маєте веце як 15 років (враховано).

Заместнаня

Уведьте конкретный тіп Вами реалізованой роботы к 1. януару 2021. На вопрос одповіджте кедь сьте к 1. януару 2021 были працюючій, працюючій пензіста, особа на матерьській або родічовській доволенці і мали сьте платный робочій контракт. Кедь маєте веце як єдну роботу, уведьте роботу, в котрій почас робочого тыждня одробите веце часу або з котрой маєте высший заробок.

Місце работы

Кедь часто міните місце работы (напр., кедь сьте робітником на ставбі) або кедь робите у сфері транспорту, вызначте **місце работы без адресы**. Кедь ся місце работы находить в заграничу, уведьте назву штату.

Доходжованя до работы або до школы

Уведе ся періодичность доходжованя до работы або школы з місця Вашого сучасного перебуваня. В припадї, же робите на 12-годиновы робочі зміны (куртый, довгий тыждень), вызначте „інакше як денно“.

Способ транспорту до работы або до школы

Способ транспорту до работы або до школы є інформація о Вашім найчастішим способі транспорту. Кедь почас робочого тыждня доходжуєте з місця сучасного перебуваня до работы або до школы каждый день, вызначте „денно“. Кедь почас робочого тыждня не доходжуєте до работы або школы з місця сучасного прожываня каждый день, вызначте

„інакше як денно“. Кедь хоснуєте дакілько способів транспорту до роботи або до школы, вызначте *єден способ транспорту*, котрый хоснуєте почас найдовшой части драгы.

Народность

Народность є Ваша приналежность к народу або етнічній ґрупі. Про становлїня народности не є вирішуюча штатна приналежность, материнський язык, ани бісіда, котру переважно хоснуєте

Кедь вызначіте можность „інша“, народность запиште словом. Кедь маєте одношіня к далшій народности, можете ей увести в підвопросї.

Кедь мають родічі розділну народность, народность дїтвака ся уведе на основі взаємной догоды родічів з можностей уведжіня одношіня к далшій народности в слїдуючім підвопросї.

Материнський язык

Материнський язык є язык, котрым з Вами найчастіше бісідовали в дїтинстві дома.

Кедь з Вами бісідовали в дїтинстві дома дакількома языками, вызначте подля свого рішїня єден язык, котрым з Вами бісідовала найчастіше мати (або отець, інша близка родина або інша особа без родинного звязку). Кедь вызначіте можность **інакшый**, материнський язык запиште словом.

Віросповіданя

Віросповіданя значіть Ваше одношіня к церькви, набоженьській общіні, набоженству або членство в церькви або набоженьській общіні ці участь на набоженьскім животї.

Віросповіданя дїтей до 15 років ся уводить подля віросповіданя родічів, на основі взаємной догоды родічів